

Javno preduzeće za vodoprivrednu djelatnost

“Spreča” dioničko društvo Tuzla

Ul. Aleja Alije Izetbegovića br. 29/VII

75000 Tuzla

Na osnovu člana 20a) Zakona o radu („Sl. novine Federacije BiH“ broj: 26/16, 89/18, 44/22 i 39/24), člana 4. Uredbe o postupku prijema u radni odnos u javnom sektoru u Tuzlanskom kantonu („Sl. novine Tuzlanskog kantona“ broj: 4/19, 4/20, 11/20 i 5/21), Odluke o potrebi prijema u radni odnos broj 030-02-99-1190/26 od 30.06.2026. godine, uz prethodno pribavljenu Saglasnost Ministarstva poljoprivrede, šumarstva i vodoprivrede Tuzlanskog kantona br. 04/1-30-020113/26 od 01.07.2026. godine, direktor Društva raspisuje

JAVNI OGLAS

za prijem u radni odnos

I

Javno preduzeće za vodoprivrednu djelatnost “Spreča” dioničko društvo Tuzla (u daljem tekstu JP “Spreča” d.d. Tuzla) raspisuje javni oglas za prijem u radni odnos sa punim radnim vremenom za sljedeće radno mjesto:

- Saradnik za pravne poslove, 1 izvršilac, na neodređeno vrijeme

II

Kratak opis poslova radnog mjesta iz tačke I ovog oglasa:

prati i proučava propise od značaja za rad i poslovanje Društva, a posebno materijalne propise vezane za djelatnosti Društva; vrši kontrolu prijave i odjave radnika sa obaveznog osiguranja; učestvuje u provođenju procedura javnih nabavki; izrađuje odluke o prihvatanju ponude u direktnim sporazumima; po nalogu neposrednog Rukovodioca, sačinjava ugovore o radu, te opšte i pojedinačne akte u vezi sa pravnim i obavezama radnika iz radnog odnosa; po nalogu neposrednog Rukovodioca, izrađuje sve akte u postupcima prijema u radni odnos; sačinjava ugovore o djelu i ugovore o poslovno - tehničkoj saradnji; učestvuje u usklađivanju opštih akata Društva sa zakonskim i podzakonskim aktima; obavlja i druge pravne i stručne pravne poslove po nalogu neposrednog rukovodioca; za svoj rad odgovoran je rukovodiocu Službe.

Mjesto rada: Tuzla

III

Kandidati koji se prijavljuju na oglas moraju ispunjavati opšte i posebne uslove:

Opšti uslovi

- da su državljani Bosne i Hercegovine,
- da su stariji od 18 godina,
- da posjeduju zdravstvenu sposobnost za obavljanje poslova radnog mjesta na koje apliciraju.

Posebni uslovi:

- bachelor sa 180 ECTS, ili viša stručna sprema, pravni fakultet;
- najmanje jedna godina radnog iskustva u struci.

IV

Za prijavu na oglas kandidati su dužni dostaviti uredno popunjen prijavni obrazac koji se može preuzeti na web stranici JP "Spreča" d.d. Tuzla www.spreca.com uz sljedeće dokaze o ispunjavanju opštih i posebnih uslova:

- Uvjerjenje o državljanstvu (ne starije od 6 mjeseci)
- Izvod iz matične knjige rođenih (ne stariji od 6 mjeseci)
- Dokaz o stečenoj visokoj stručnoj spremi (bachelor sa 180 ECTS, ili viša stručna sprema pravnog fakulteta (VI stepen))
- Uvjerjenje o radnom iskustvu

Izabrani kandidati će biti u obavezi da, najkasnije u roku od osam dana od dana konačnosti odluke o prijemu u radni odnos, dostave ljekarsko uvjerenje kao dokaz da njihovo zdravstveno stanje i psihofizičke sposobnosti odgovaraju uslovima radnih mjesta za koja su izabrani.

Kandidati koji ostvaruju pravo na prvenstvo pri zapošljavanju u skladu sa Zakonom o dopunskim pravima branilaca i članova njihovih porodica ("Službene novine Tuzlanskog kantona", broj: 10/20, 14/22, 9/23 i 5/24) i Pravilnikom o jedinstvenim kriterijima i pravilima za zapošljavanje branilaca i članova njihovih porodica u institucijama Tuzlanskog kantona („Službene novine Tuzlanskog kantona“, broj: 9/14 i 6/15), bodove po ovom kriteriju mogu ostvariti samo ako uz prijavu dostave i dokaz da se nalaze na evidenciji Službe za zapošljavanje kao nezaposlene osobe (ne stariji od mjesec dana od dana raspisivanja Javnog oglasa), te dokaz kojim se dokazuje status branilaca i članova njihovih porodica - ne stariji od mjesec dana od dana raspisivanja Javnog oglasa (isključivo dokument sa Popisa dokumentacije kojom se dokazuje status branilaca i članova njihovih porodica, koji je Prilog Pravilniku o jedinstvenim kriterijima i pravilima za zapošljavanje branilaca i članova njihovih porodica u institucijama Tuzlanskog kantona), te ovjerenu izjavu da im radni odnos, zasnovan po osnovu ranije ostvarenog prioriteta pri zapošljavanju, nije prestao njihovom krivicom ili da po prestanku radnog odnosa nisu ostvarili pravo na otpremninu, odnosno da nisu korisnici prava na porodičnu penziju (ne stariju od mjesec dana od dana raspisivanja Javnog oglasa).

Svi dokumenti se dostavljaju u originalu ili ovjerenoj kopiji.

Komisija za izbor kandidata za prijem u radni odnos će sa kandidatima koji ispunjavaju formalno-pravne uslove provesti pismeni i usmeni ispit, nakon čega će sačiniti rang listu kandidata. O vremenu održavanja ispita kandidati će biti blagovremeno obavješteni.

V

Kriteriji za rangiranje kandidata:

U postupku prijema u radni odnos rangiranje kandidata koji se prijave na javni oglas vrši se na osnovu provjere znanja putem pismenog i usmenog ispita.

Pismeni ispit kandidata biće proveden u vidu testa koji će se sastojati od 10 pitanja. Svaki tačan odgovor na pitanje ocjenjuje se sa 7 bodova. Na usmenom ispitu svaki član komisije će ocjenjivati kandidata dodjeljujući mu najviše 10 bodova. Ukupnu ocjenu kandidata će činiti zbir bodova datih od strane svakog člana komisije na usmenom ispitu i broj bodova ostvaren na pismenom ispitu

VI

Javni oglas se objavljuje u dnevnom listu "Dnevni avaz" i na web stranici JP "Spreča" d.d. Tuzla www.spreca.com, a dostavlja se i Službi za zapošljavanje Tuzlanskog kantona.

Rok za podnošenje prijava na javni oglas je 8 (osam) dana počev od narednog dana od njegove posljednje objave.

Poslodavac će sa izabranim kandidatom zaključiti ugovor o radu najkasnije u roku od 8 (osam) dana od dana konačnosti odluke o izboru.

Kandidati će biti pismeno obavješteni o ishodu Javnog oglasa, a priložena dokumentacija se neće vraćati.

VII

Popunjene prijavne obrasce, zajedno sa traženim dokumentima, kandidati dostavljaju u zatvorenoj koverti lično na protokol JP "Spreča" d.d. Tuzla ili putem pošte na adresu:

Javno preduzeće za vodoprivrednu djelatnost "Spreča" dioničko društvo Tuzla,

Aleja Alije Izetbegovića br. 29/VII

75000 Tuzla

sa naznakom:

"Prijava na Javni oglas za prijem u radni odnos na radno mjesto Saradnik za pravne poslove, 1 izvršilac, na neodređeno vrijeme - NE OTVARAJ!"

Neuredne, nepotpune i neblagovremene prijave neće se uzeti u razmatranje.

Direktor

dr. sc. Omer Kovčić, dipl. ing. građ, s.r.